

CHRIS

Dum



Cim

1921-

-1923

Autor,  
cum,

quis esto  
liber!

Theolog 3043 h

39. VI. 21.

Notandum ex hoc libro

Coel Melanctone pag -- 215

quod sit Sacramentarius

De Proelio quod sit etiam

in nonnullis faueret 220.



1800

1800

D. O. M. A. E. C.

Disputatio XI.


COLLEGI<sup>UM</sup> CORPORIS DO-  
*ctrina Prutenicarum Ecclesiarum,*

DE BONIS  
OPERIBUS.

*SUB PRÆSIDIO*


COELESTINI MISLEN-  
tæ, SS. Th. D. eiusdem, ut & Hebr.  
lingvæ Profess. Ordinari. Consistorii  
Sambienf. assessoris.

RESPONDENTE

CHRISTOPHORO 

senbletter/ Regiom: Bor:

*Publicè in Auditorio majori,  
Ianuar: habenda.*



REGIOMONTI,

Typis Laurentii Segebadil, Anno 1625.



VIRIS

*Generosa Nobilitate Srennis*

**Dn. JOHANNI ALBERTO**

à PERBANDT, Ser. Elect. Brand. Capitaneus in Oletzky: Hæred. in Cremitzen / Podmitzen / Zapfemitz.

**Dn. ERHARDO Rödern /** Oeconomix Electoral: præfecto; Hæred. in Pernehen Hospiti ac nutricao meo observando.

**Dn. GEORGIO GABRIELI Marquart** Judicii terrestris in districtu Angerburg Præsidi; in Blandowen & Zitzendorf hæred.

**Dn. CASPARO ab Hohndorff /** in Sarsdienen hæreditario.

**Dn. JOHANNI ALBERTO von der Trend /** hær. in Scharlaucken. Magnis meis Mecœnatibus.

*Reverendis item Doctissimisq̃*


**Dn. MICHAELI BERNHARD** in Cremitten

**Dn. GEORGIO PLONSCIO** in Habersta Pastoribus vigilantissimis.

Fautoribus & amicis meis æternum honorandis

Exercitium hocce Theolog. sacrum volo  
Christoph. Eisenbletter Res.

*Cum. 1922 (k)*



*Tractatus XI.*

# DE BONIS OPE- RIBUS.

*Resp. Christophoro Eisenbletter Reg.*

**R**Epurgato ab erroribus augusto de Iustificatione hominis peccatoris coram DEO, articulo; vindicatum à variis insultibus tùm Hæreticorum; tùm Schismaticorum, insuper voluere auctores libelli nostri, locum be Bonis operibus. Immediato quippe nexu coherent articuli Iustificationis, & Sanctificationis: ille tamen ordine naturæ præcedit; hic sequitur: ille se habet instar hujus Fundamenti; in illo consideratur Fides ceu arbor fertilis in hoc ut jam bonis fructibus stipata.

Quà verò occasione, quibusq; de causis repetitum; nec non vindicatum præsentem locum voluerint auctores commemorati; inferius indicabitur: nostri instituti erit telam materiæ intra cancellos determinatos pertexere.

## I. SEDES HUIUS LOCI.

1. Desumptus ac repetitus est hic articulus.

Ad 2

pri-



primò ex A. C. præsertim ex articulo VI. qui sic habet : Item docent (Ecclesię magno consensu) quod fides illa debeat bonos ~~facere~~ <sup>facere</sup> parere, & quod oporteat bona opera, mandata à DEO facere, propter voluntatem DEI, non ut confidamus, per ea opera justificationem coram DEO mereri. Nam remissio peccatorum, & justificatio fide apprehenditur, sicut testatur etiam vox Christi : Cum feceritis hæc omnia, dicite, servi inutiles sumus. Idem docent & veteres Scriptores Ecclesiastici : Ambrosius enim inquit : Hoc constitutum est à DEO, ut qui credit in Christum, salvus sit, sine opere, solâ fide, gratis accipiens remissionem peccatorum.

2. Quę sententiâ fusiùs deducitur articulo XX. ubi quia verba nimium sunt prolixa; nolimus nec etiam commodè possumus omnia seriatim in medium producere : lectior veritatis studiosus haud gravatim locum illum adeat, & expendat.

Eadem verò solidè defenditur contra Pontificios in Apologią art. 6. & 20. protritis partibus adversæ objectionibus.

3. Deinde ex articulis Smalcaldicis part. 3. artic. 13 §. Hanc fidem renovationem, & remissionem peccatorum sequuntur bona opera. Et quod in illis pollutum, & imperfectum est, pro peccato, & defectu non censetur; idque etiam propter Christum : atque ita totus homo, cum quoad personam suam, tum quoad opera sua justus & sanctus est, & nominatur ex purâ gratia, & misericordiâ, in Christi



sto super nos effusâ, expansâ, & amplificatâ. Quare  
gloriarî ob merita, & opera non possumus, cum abs-  
que gratiâ & misericordiâ adspiciuntur: sed ut scri-  
ptum est, 1. Cor: 1. Qui gloriatur in Domino glo-  
rietur, quod scilicet habeat DEum propitium. Sic n.,  
omnia benè se habent.

Dicimus præterea, ubi non sequuntur bo-  
na opera, ibi fidem esse falsam, & non veram.

## II. SUMMA HUIUS LOCI, prout in libello nostro reperitur, & pertractatur.

§. I. Pertractatur autem hicce articulus ab  
auctoribus nostris, partim *Ἰελκῶς*; partim *αὐ-  
τῷ Ἰελκῶς*.

2. Thesis Orthodoxa solummodò recense-  
tur ex A. C. & Apologiâ, in quinque quæstiones  
distributa. 1. Quomodo doctrina de bonis operibus  
sit tradenda? 2. Quæ sint bona opera? 3. Quomo-  
do fieri possint? 4. Propter quæ causas sint facien-  
da? 5. Quomodo DEO placeant & accepta sint?  
ita tamèn, ut nullo modo merita sint Gratiz  
DEI, & remissionis peccatorum.

3. Amitheſis tergemina proponitur 1. Allo-  
rum, qui ἐν ἀνάγκῃ deficientes, necessitatem  
bonorum operum impugnabant, sub hac tri-  
plici consideratione. 1. Bona opera esse necessa-  
ria. 2. Bona opera necessariò debere sequi fidem;  
3: nos necessariò debere bona opera divinitus man-

*Ad faciendum.* Harum propositionum porro veritatem evincunt auctores nostri, Primò ex scripturâ sacrâ Joh: 15. v. 17. 1. Joh: 4. 21. Rom: 8. 12. c. 13. 8. Luc: 17. 10. 1. Cor: 9. 16. Ad: 5. 29. c. 14. 22. Deinde à fine operis, redemptionis generis humani, ut sit populus DEO peculiaris, selector bonorum operum Tit: 2. 14. 1. Thesi. 4. 4. Luc: 11. 75. Tertio ex A. C. ejusdem Apologia; & Quarto denique ab auctoritate B. Lutheri nostri; eiusq; libro de *Votis Monastick*; dissertatione de bonis operibus, &c.

4. Insuper addunt limitationem, qualis nam necessitas heic intelligi debeat: videlicet non coactionis, aut extorsionis, vel hypocriseos; sed 1. mandati vel debiti. 2. Testificandæ fidei erga proximum, & 3. gratitudinis erga Deum.

5. II. Antithesis illorum producit, & confutatur, qui *cu* *υπεροχῆς* exorbitantes, necessitatem bonorum operum nimium extollebant; & quidem in triplici gradu seu classe. Prima classis contendebat 1. Bona opera etiam ad salutem esse necessaria. 2. impossibile esse, sine bonis operibus salvari. Secunda statuebat 1. justificationem Peccatoris consistere, non tantum in gratuitâ reconciliatione; verum etiam in renovatione. 2. Applicationem promissionis gratiæ fieri, non tantum fide cordis; verum etiam confessione oris; tanquam opere. Tertia priores duas absurditate superans, asserbat: Bona opera ad ipsam etiam justificationem omnino esse necessaria, tanquam adjunctum fidei.

6. Sub.



6. Subjungitur porro erroris hujus occasio & origo, nimirum astus Pontificiorum, qui nostris Ecclesiis insidiantes, in suo cothurno Insuperreligionis; ejusmodi, & similes formulas loquendi incautis obtrudebant; quas etiam nonnulli ex nostratibus arripiebant, & cum ingenti Ecclesiæ damno vehementer propugnabant; adeò, ut ab ipsis Pontificiis hoc nomine laudarentur, & commendarentur, quod eo ipso à nostris Ecclesiis deficere, & ad partes Pontificias transire voluisse non obscure viderentur.

7. *Insuper adducitur Schismaticorum illorum mitigatio, qui ostendere conabantur, se à sententiâ Papistarum quam longissimè abesse: utpote qui contenderint: Bona opera ad salutem esse necessaria: vel impossibile esse, quæquam sine operibus salvari; ratione habitâ non justificandorum, sed justificatorum; ita ut hos impossibile sit sine operibus salvari.*

8. Denique sententiâ hac pro confesso acceptâ, auctores nostri statum controversiæ genuinum contra Schismaticos illos figunt: totique in Negativam descendunt, propositionem utramq; refellendo: 1. Quod bona opera sint necessaria ad salutem ipsis insuper justificatis. 2. Quod sint necessaria ad retinendam seu conservandam fidem, justificationem, ipsam deniq; salutem.

9. *Negativam prioris confirmant ab identitate causarum justificationis, & salutis æ-*

terna 1. ex Rom: 4. 7. Eph. 2. 8. 2. Tim. 1. 9. Tit. 3. 5. Deinde ex A. C. ubi sententia Ambrosii allegatur; nos sine opere, solâ fide in Christum, gratis accipere remissionem. Denique ex B. Lutheri disputat: contra Anabaptistas Anno 1536. ex comment. super Gen. c. 22. Posterioris negativam evincunt à principio, medio & fine salutis nostræ; denominando Gratiâ DEI per fidem Rom: 5. 2. 1. Pet. 1. v. 5. & 9. Coloss. 1. 23.

10. Tandem occurritur calumniæ eorum, qui nostratibus affingere non erubescerant, ac si docuissent; fidem, justificationem, & salutem æternam, cum studio vel proposito peccandi simul stare posse. Id quod refutatur ceu Epicureum, & Diabolicum commentum ex Apologiâ; Smalcaldicis articulis; ex praxi nostrarum Ecclesiarum; ex sacrâ deniq; scripturâ 1. Cor. 6. 11. Gal. 5. 21. Ephes 5. 5. Rom. 8. 13. allatâ simul distinctione inter peccata non regnantia h. e. venialia; & regnantia, h. e. mortalia, adeoque Spiritum sanctum & fidem salvificam excutientia.

11. III. Amitheſis denique illorum commemoratur sub calcem hujus loci, qui contendunt: Bona opera esse ad salutem pernicioſa: quæ quidem Propositio secundum quid intellecta admititur ex Phil. 3. v. 8. simpliciter verò accepta repudiatur.

### III. EXPLICATIO SENTENTIÆ vel Theses orthodoxæ.

Consideranda erunt in explicatione hujus



jus membri sequentia distingim. 1. *Definitio nominalis*, vel varia terminorum, seu appellationis bonorum operum acceptio, & propria significatio. 2. *Definitio realis*. 3. *Causse* bonorum operum. 4. *Affectiones* in genere. 5. *Divisio*.

## De Primo.

§.1. Ordinem merito ab *appellatione*, quæ ideo utilis est, quia ex ea, bonorum operum, aliquando quæritur depravatio purioris doctrinæ hujus loci, ita monente B. Chemnicio in l.c. part. 3. f. 10. Expendemus autem appellationis, primò *homonymiam*; postmodum *Synonymiam*.

2. Quoad *Homonymiam*; Bona opera triplici sensu capiuntur 1. *Politico*; sic opus bonum illud dicitur, quod consentit cum lege municipali cujusq; civitatis. 2. *Philosophico*, ubi opus bonum æstimatur, quod consentit cum reliquiis primæve lucis. Ubi notandum *Philosophos*, præsertim Græcos propriè opera vocare *εργα*, quæ post præstitam ac navatam operam subsistant, adeoq; in sensus externos incurrat.

3. *Theologico*; idq; vel ex mente Pontificiorum, qui pro operibus bonis venditant exteriora illa, & indebita, alias *supererogationis* dicta: qualia quidem Spiritus S. ignorat nec novit, vel juxta solum *Scripturæ*; idq; vel generalissimè, & sic fides salvifica dicitur opus Iob. 6. 28. vel propriè; ubi vicissim opera duplicia occurrunt

1. opera legis, aliàs *serpilia* dicta, quę exiguntur, imperantur, & extorquentur per legem. 2. Opera *Euangelii*, alias opera *Gratię*, quę à Gratiã Spiritus S. proficiuntur, Rom: 6. 14. Dicuntur etiam *spontanea*, ceu à populo Christi spontaneo proficiuntur Psal: 110. r. 3.

3. Porro, bona opera in posteriori significatione in sacris sumuntur *vel speciatim*, pro certà bonorum operum parte v.g. pro beneficiã Act. 9. 36. 2. Theß. 2. 17. 1. Tim. 2. 10. c. 5. 10. Heb. 10. 24. *vel generatim* pro totà huius articuli doctrinã Eph. 2. v. 10. Tit. 2. v. 14. c. 3. v. 1. 8. 14. ubi bonorum operum ambitu includuntur *cogitata, dicta, & facta juxta Legem DEI*. Atque hoc sensu à nobis impręsentiarum considerantur bona opera.

4. Quoad *Synonymiam* vel *Polyonymiam*; Bona opera variis in sacris indigerantur æquipollentibus nominibus: qualia sunt *partim* *αγαθα* in scripturis non extantia v.g. *novę qualitates*; *motus spirituales*; *habitus iusti*: Hisce adduntur à Pontificiis 1. *iustitia inherens*, in quã formalitatem justificationis coram Deo collocant, 2. *merita*: quo quidem termino Patres bona opera indigere non dubitarunt; ideò, quod sint mandata à Deo, factaq; à renatis in fide, habentia promissiones sive in hac; sive in futurã vitã: quia v. illum terminum Pontificii in abusum traxerunt; eoq; Ecclesię verę insidiati sunt; ampliùs ab orthodoxis hoc sensu

non



non usurpatur: partim ἔργα; quæ in uni-  
versum Dn. Chemnicus ad quinque reducit clas-  
ses: 1. ad Causam Efficientem; & sic bona ope-  
ra vocantur sanctificatio; donum per gratiam; no-  
va creatura in Christo. Rom. 5. v. 15. 2. Cor. 4. v. 17.  
Gal. 6. v. 15. 1. Theß. 4. v. 3,

2. Ad causam formalem, ut Novitas Rom. 6.  
v. 4. c. 7. v. 6. Eph. 4. v. 33. Col. 3. v. 10. novus homo,  
Ephes. 2. v. 15. c. 4. v. 24. Cor novum & mundum,  
Psal. 51. v. 12. nova obedientia; justitia bonæ con-  
scientiæ Roman. 9. vers. 1. 1. Tim. 1. v. 5. Heb. 11. v. 39.  
promptus animus 2. Cor. 9. v. 2. & propositum,  
v. 7. 2. Tim. 3. v. 10.

3. Ad objecta; sic vocantur opera legis Ro-  
man: 3. v. 21. Gal. 2. v. 16.

4. Ad causam finalem, sic bona opera di-  
cuntur hostia viva, bona, sancta, accepta DEO; cul-  
tus rationalis, vel spiritualis Rom. 12. v. 1. Phil. 4. v.  
18. 1. Pet. 2. 5. servitus bonæ conscientiæ Act: 23.  
v. 1. & Spiritus nostri Rom: 1. v. 9. Huc pertinent  
illa Epitheta Phil. 4. v. 8. ubi bona opera vo-  
cantur vera, honesta, iusta, pura, accommodata, bo-  
næ famæ, laudabilia, &c.

5. Ad Effectus sanctificationis & renova-  
tionis: & sic ἔργα ἐξοχλῶ dicuntur bona opera:  
pietas, cultus DEI, fructus Spiritus; fructus poenit-  
entiæ; mortificatio carnis; dilectio DEI, & proxi-  
mi; ambulatio in viis, & mandatis DEI, armæ  
justitiæ, motus Spiritus DEI; abstinencia à pec-  
catis; bona & sancta conversatio; obedientia; vir-  
tus, &c. DE

## De Secundo.

1. Sunt autem bona opera actiones internæ & externæ, ex regenerato hominis intellectu, voluntate & appetitu ad prescriptum legis moralis proficiscentes, ad gloriam DEI, sui dignitatem, ac utilitatem, & proximi ædificationem.

2. Definitio hæc est causalis; in quâ Generis loco ponuntur actiones, tum internæ seu immanentes: tum externæ, eaq; partim immanentes; partim transeuntes, quippe ad DEum, maximè v. ad proximum directæ; quæ ipsa est determinatio illarum actionum: Amplior verò determinatio proponitur in definitione: mentione factâ causarum *Efficientis, Materialis, Formalis & Finalis*. De quibus singulis sequenti membro restat agendum.

## De Tertio.

1. *Efficiens bonorum operum est vel Primaria, vel Secundaria.*

2. *Primaria est ipse Spiritus S.* Is namq; uti in homine fidem, per quam regeneratur: ita fidei fructus, novamq; obedientiam producit.

3. Notentur Axiomata. 1. *Spiritus S. ad bonorum operum productionem necessariò requiritur*: Ratio, quia sine Spiritu S. nullum bonum opus inchoari ac perfici potest 2. *Cor. 3. v. 6. Phil. 1. v. 6. c. 2. v. 13. 2. Pet. 1. v. 3.* Hinc universa bonorum operum ratio in totum Deo ipsi adscribitur ceu primario agenti *Esai. 26. v. 12. 1. Cor. 15. v. 10. c. 4. v. 7.*

2. *Spi-*



2. Spiritus S. tamen non est causa solitaria bonorum operum.

Ratio, quia Hominis arbitrium in articulo sanctificationis, factum jam est liberatum; ideoq; Spiritui S. cooperatur; uti statim dicitur.

3. Spiritus S. est causa bonorum operum mediata. (A quibusdam hinc vocatur remota.) Prius namq; hominem regenerat, justificat, ac vivificat; Ubi etiam non incommodè proximum ac immediatum principium vocari poterit, non quidem ob exclusum ordinem salutis, sed ob exclusam cooperationem virium humanarum. Hic verò statuitur Spiritus S. principium mediatum; Siquidem in productione bonorum operum admittit humanę voluntatis cooperationem sive cooperationem.

4. Spiritus S. neminem trahit arcanā voluntate ad bona opera, sed per expressum DEI verbum. Hinc est quod bonorum operum tres causę numerentur 1. Spiritus S. 2. Verbum DEI. & 3. Voluntas hominis regniti.

4. Secundaria est homo regeneratus, quā potentias & facultates suas; siquidem potentia & facultates illę non à seipsis, sed à Spiritu S. excitatę, sunt habiles ad bona opera. Zach: 12. v. 10. Ioh. 15. v. 6.

5. Axiomata 1. Homo regeneratus est causa propinqua & immediata bonorum operum. Ratio, quia ab hominis renati voluntate, in quantum ea renata

renata est, immediatè promanant bona opera.

2. Bona opera à causâ proximâ & immediatâ rectè vocantur humana. Ratio. Quia denominatio fieri dehet non à remotiori; sed à proximâ causâ; Idcirco, licet bona opera virtute, ac instinctu Spiritus S. fiant; rectè tamen humana quia vocentur, nil verat.

6. Materialis causa bonorum operum est tum ipsum subjectum, h. e. homo reginitus, tum objectum, circa quod actiones hominis talis occupari debent: quale quidem graphicè describitur à Spiritu S. Phil. 4. v. 8. nimirum quod debeat esse verum, honestum, justum, purum, utile, bonæ famæ; & ipsa denique virtus & laus.

7. Forma bonorum operum est gemina. 1. Legalis. 2. Evangelica.

8. Legalis consistit in bonorum operum, cum lege morali omnimodâ convenientia, & conformitate. Axiomata:

1. Forma legalis est ratione bonorum operum essentialis vel absoluta. Ratio. Uti enim malum opus, vel peccatum est *ἀνομία*: ita bonum opus erit *ἐννομία*; in tantum, ut inter se mutuò reciprocetur: Quodcunque opus bonum est; id ipsum *ἐννομον* sit oportet: & contrà: Quodcunque opus in lege divinâ præceptum non est: nec etiam bonum esse vel dici poterit: Item. Absurdum est: aliqua dicere bona opera, quæ ad legem divinam referri non possint: Nullum opus verè bonum dici po-

tesse

test, quod à DEO mandatum non sit in lege. Item :  
Traditio, & bona intentio hominum, nequit esse Norma & Forma bonorum operum.

2. Conformitas bonorum operum cum Lege DEI judicari debet quoad substantiam, modum, & circumstantias ipsorum.

3. Opera hominum renatorum propter Formam legalem non possunt proprie dici bona. Ratio. Quia opera ad normam legis examinata, & collata, sunt multis modis imperfecta : ideoque nec DEO placere possunt : sed potius maledictioni subjacent, Deut: 27. v. 26. Jer. 11. v. 3. Gal. 3. v. 10.

9. Forma Evangelica bonorum operum, consistit in sanctificatione fidei. Axiomata :

1. Forma Evangelica est bonorum operum ratione accidentalis, vel relativa. Alii hinc vocant Fidem, formam assistentem bonorum operum. Nam Spiritus sanctus efficit ac producit in nobis bona opera, tunc, quando per fidem, Christo inserimur : Proinde quando dicitur, ex fide oriri bona opera ; id sic intelligendum erit : Primum nos per fidem Christo in Evangelio oblato inseri ; Deinde Christi Spiritum nobis dari : Postea Spiritum S. in renatis non esse otiosum ; sed operari virtutes ; ex quibus denique bona opera exsurgant & edaneur Ephes. 1. v. 4.

2. Forma Evangelica, opera hominum reatorum reddit bona principaliter, DEOque placencia.

Ratio



Ratio. Quia, uti persona; ita opera personæ fide justificantur in conspectu DEI; sicq; DEO placent, Heb. 11. v. 6. Neque enim cogitandum, quod Fides solummodò ab initio iustificet; sed etiam tunc, quando iusti benè agunt.

10. Finalis bonorum operum est triplex 1. Gloria DEI. Matth. 5. v. 16. 1. Cor. 10. v. 31. 1. Pet. 4. v. 11. 2. utilitas nostri & quidem quadruplex 1. testificatio de fide non simulatâ Matth. 7. v. 16. 2. participatio promissionum pietati promulgatarum in hac & futurâ vitâ 1. Timoth. 4. v. 8. 3. Eritatio poenarum temporalium & æternarum Roman. 8. v. 13. 4. Eritatio contritionis Spiritus S. quo sumus obsignati Eph. 4. v. 30. Psal. 51. v. 13. 3. edificatio proximi. Phil. 2. v. 15. 1. Pet. 2. v. 12. c. 3. v. 1. 16. Omnes hæc complexus est Spiritus S. in unum manipulum. Tit. 2. v. 8. ubi præcipit, quò vivamus piè erga Deum; castè erga nos ipsos; justè erga proximum. Fusus finalem causam pertractantem vid. Dn. Menz. in Exeg. art. 6. p. 264. 265. 266.

## De Quarto:

ubi

### *Axiomata de bonis operibus Generalia.*

1. Omne bonum opus est merum DEI donum, magisq; DEI, quam nostrum statuendum. Nil enim habet

bona habemus, quod non acceperimus 1. Cor. 4. v. 7.  
Deo Deus operatur in nobis & velle & perficere.  
um, Phil: 1 v. 6. c. 2. v. 13. Neque enim Deus tantum  
ceet; bona opera mandat; sed etiam ipse ad bene a-  
gendum nos Spiritu suo ducit, Psal: 25. v. 9. In-  
ex 1. de tamen bona opera non negantur esse huma-  
et. 4. na; quis eorum voluntarium instrumentum,  
ex 1. est homo, non ceu truncus, aut subiectum,  
p. 16. *εργον*; sed jam regnitum, & vivificatum, ut-  
mul- que Spiritu Dei actum, agat & ipsum.

2. Bona opera non precedunt justificandum, sed  
equuntur justificatum: ex Aug. l. de fid. & operib.  
1. 14. Ratio. Quia bona opera sunt effectus  
p. 30. auxilii Dei specialis: hoc autem non nisi in  
p. 15. renatis locum habet, ac cum Deo reconcilia-  
exus is: reconciliatio autem non nisi ex Euange-  
p. 8. io innotescit. Ubi porro ex Evangelio vera  
casti fiducia misericordiae divinae concipitur, men-  
sus esq; perterrefactae fide eriguntur, tunc simul  
enz- datur Spiritus S. qui dilectione Dei nos im-  
buunt, & lege DEI in cordibus hominum scri-  
pta, in nobis novos motus legi divinae confor-  
mes, ac congruentes excitat. Hinc patet: ope-  
ra verè bona, obedientiam cultumq; interior-  
um, non à virium humanarum facultate; sed  
Ge- ab operatione Spiritus S. unice proficisci: ne-  
quaquam igitur justificandum precedere.

3. Bona opera non ex nominibus: sed ex adver-  
bis sunt iudicanda. Hoc est: Bonum opus debet  
bene fieri. Quod ut eò dexterius intelligatur,

duo bonitatis ~~neque~~ *neque* erunt notanda, ex quibus opus quodvis adverbialiter, h. e. *verè bonum*, pronunciari debet. 1. est origo, quæ est fides vera in Christum: Nam quod ex fide non est, non bonum; sed peccatum est Rom. 14. v. ult. nec mala arbor ferax esse potest bonorum fructuum. Matth. 7. v. 18. 2. *Finis* cuius gratiâ fieri debent bona opera: siquidem virtutes à vitiis magis *sine*, quàm officiis discriminantur: potest aliqua actio bona esse officio: mala vero *sine* non rectè destinato: Finis verò bonus operum bonorum supra erat indicatus: Breviter, *Finis* ejusmodi 1. *divine gloriæ*, 2. *edificationi Proximi*, & 3. *nostrummet salutis* non debet esse contrarius: alioquin opus rationem bonitatis amittet.

4. *Bona opera sunt necessaria*: Non 1. necessitate *actionis*: debent namque esse spontanea, à populo DEI spontaneo, Psal. 110. v. 3. 2. neque necessitate *consequentis* vel causæ; sed *consequentie*, h. e. 1. *mandati*, 2. *ordinis*, & 3. *debiti*. Quidam necessitatem triplicem bonorum operum interpretantur 1. *cultus* erga DEUM; 2. *conscientiæ* erga nosmetipsos: & 3. *officii* erga proximum. Probatio sufficiens Aphorismi videatur *memb. 2. ex libello* deprompta circa primam Antithesin. Ulterius in gratiam Antithesis secundæ, addo: 3. Non sunt bona opera necessaria 1. ad salutem impetrandam, vel consequendam; quia non sunt aliæ causæ salutis,



quum, fides est, ult. fru- fieri pitiis potest o fine ope- piter, rationi esse nitas, ne- pon- o. v. 3. sed; deo- rum UM; i er- rismi pri- rithe- opera con- utis; aliz

lie justificationis. 2. ad fidem conservandam, quia idem principium, medium, & finis salutis nostre; utraque assertio probatur in libello nostro. d. l. contra Interimistas & Majoristas; sed utramque testificandam, vel declarandam, Rom: 10. v. 10.

5. Bona nostra opera hac in vita sunt imperfecta, licet a sanctissimis prestita. Possunt quidem dici perfecta 1. ratione fidei & personæ justificatæ: 2. ratione sinceritatis & affectus, quo perquantur omnia DEI præcepta implere. 3. comparatè, ratione hypocritarum operum. 4. Ob DEI beneplacitiam. 5. Ob vocationem ad Regnum Gratia: Veruntamen ratione sui, sunt multis modis imperfecta, 1. ob *οὐκ ἐγγενηται* voluntatis humanæ regenitæ: unde dicuntur opera humana. 2. ob renovationis inchoationem. 3. ob impedimentum mali adjacentis, Rom. 7. v. 21. 4. ob asperfusionis Christi sanguine necessitatem, quâ summoperè indigent. 5. ob tegumentum Christi, quo imperfectiones operum in conspectu DEI, pallio justitiæ suæ obvelat. 6. ob intuitum divinum meriti Christi; ob quem etiam demùm redduntur in foro DEI grata, & accepta.

6. Bona opera non sunt merita vite æternæ. Ratio. 1. Quia debita. 2. imperfecta, uti jam dictum. 3. quia non sunt nostra, sed aliena; seu, quia ipsius DEI. 4. quia Deo non sunt utilia, Luc. 17. v. 10. 5. quia nulla proportio inter ope-

ra nostra, seu fuita; & vitam æternam. 6. quia  
vita æterna gratis donatur Rom. 6. v. ult. non er-  
go meritis operum acquiritur. Hinc Scriptura  
S. nullibi vocat vitam æternam mercedem: utut pro-  
mittat nobis Christus copiosam mercedem in  
coelis Matth. 10. v. ult. quam conferendo Deus  
sua dona in nobis coronabit, Esa. 26. v. 12.

7. Opera verè bona ad intra, & ad extra sunt  
judicanda. Non enim duntaxat externa inque  
oculos incurrentia, vel speciem forinsecus  
pietatis habentia, adeoque hypocritica, sub  
censum verè bonorum operum vocari debent:  
verùm imprimis interna. v. g. pietas erga Deum,  
timor, fides spes, charitas, &c. Ratio. Omnis e-  
nim cultus, bonumq; opus legitimum esse ju-  
dicatur; cum hypocrisis abest, homoq; Deum  
colere studet in spiritu, & veritate Joh. 4. v. 23  
Hinc oritur λατρεία λογική ac πνευματική  
Rom. 12. v. 1. 1. Pet. 2. 5. ex Psal. 51. v. 19. Esa. 66. v. 2

## De Quinto.

1. Restat adhuc Bonorum operum Divisio  
de qua paucissimis lineolis, prout instituti no-  
stri ratio permittit.

2. Bona opera sunt vel prima, vel secund  
tabulæ legis Moralit.

3. Illa vocantur opera pietatis, vel cultus Dei  
charitatis s. dilectionis. Illa pfa objecto agnoscunt  
ipsum Deum, seu Ens infinitum, summum.

& ter Optimum-Maximum: Quo nomine ex-  
cluditur omnis creatura tum rationalis, tum  
irrationalis; animata & inanimata: adeoque  
omnes sancti, sive vivi, sive defuncti; omnes  
Angeli & cœlites; omnis res insuper in ter-  
ris effigiata, sculpta & picta. Hæc verò pro  
objecto agnoscunt homines; tum reflexè: qua-  
tenus bona opera ad nos ipsos diriguntur;  
tum directè ad proximum.

4. Opera pietatis vel cultus in primâ tabu-  
lâ sub se comprehendunt

1. DEI dilectionem, vel Amorem, seu affe-  
ctum ex apprehensione DEI, tanquam Sum-  
mi Boni & misericordissimi Creatoris, Re-  
demtoris, & Sanctificatoris. Exigitur autem  
dilectio ex totâ animâ; totâ mente, toto cor-  
de, omnibus cogitationibus, ac omnibus vi-  
ribus Matth. 22. v. 37. Id quod præstare nobis,  
omninò omnibus vel sanctissimis impossibile:  
Nemo igitur de totali & exquisitâ DEI dile-  
ctione, mortalium, gloriari poterit; agnitâ  
partiali, uti DEI cognitione; 1. Cor. 13. v. 10. ita  
dilectione. Nam sicuti ex parte cognoscimus;  
ita ex parte diligimus Deum.

2. Timorem seu affectum ex apprehensio-  
ne DEI seu summi Monarchæ ac Domini, &  
Patris simul: nec non Creatoris misericor-  
dissimi, qui bonis propter filium suum bene-  
facere; malis autem, propter peccata malè fa-  
cere cupiat.



3. Honorem seu affectum ortum ex apprehensione DEI, seu Entis perfectissimi, sapientissimi, & benignissimi. Quo pertinet DEI celebratio, & invocatio cum fiducia conjuncta; cum petitionis, cum gratiarum actionis.

4. Obedientiam erga voluntatem, atque mandata divina, in omni vitæ nostræ curriculo sive prospero, sive adverso.

5. Opera caritatis secundæ tabulæ concernunt vel nosmetipsos suntque 1. temperantia. 2. castitas. 3. sedulitas in vocationis munere; & 4. patientia in cruce, ac omnibus rebus adversis, divinitus immixtis: respectu habito divinæ voluntatis, justitiæ, constantiæ, fortitudinis, modestiæ, &c.

Vel Proximum, eumque vel in genere; ubi intelliguntur omnes homines, seu creaturæ ad imaginem DEI conditæ, ac per Christum redemptæ: vel in Specie, ubi innuuntur nostri 1. Superiores, quibus debetur timor, honor, & obedientia. 2. æquales, quibus debetur studium candoris, & concordie. 3. inferiores, quibus debetur comitas, favor, benignitas, defensio, & promotio.

6. Hæc etiam συντόμως ac breviusculè de bonis operibus: Specialis singulorum, διέξοδος vel explicatio peti poterit ex Regulis vitæ Chytræi, & tractatibus Catecheticis aliorum.

IV. Ex-

## IV. EXPLICATIO *Antitheseos.*

1. Veteres hæreses recenset Dn. Chemnic. part. 3. l. c. f. 13. 14. secundum diversa tempora, 1. ante Christum sub V. T. contra normam & formam bonorum operum delinquebant, quotquot bonam intentionem prætendebant: toties verò totiesque à Prophetis reprehensam. 2. Tempore Christi, Pharisei, traditiones legi Dei assuebant, easque pro normâ bonorum operum venditabant: sicque Christi reprehensionem turpiter incurrebant Matth. 15. v. 6. ex Esa. 29. v. 13. Matth. 23. v. 23. 25. 3. Tempore Apostolorum, Pseudo Apostoli, opera legis in articulum Justificationis ingerebant, ac miscebant: quibus dicam scripserunt *ἡ ἁγία* Apostoli Act. 15. v. 1. & sigillatim in Epistolâ ad Romanos, Galatas, Ephesos, Timotheum & Titum.

2. Post Christi & Apostolorum tempora exorti sunt 1. in defectu Nomomachi; vel Antinomi, fingentes; credemibus non esse opus observatione legis divinæ. Tales erant: Simon Magus, Carpocrates, Basilides, &c. quos refutarunt Irenæ lib. 1. c. 23. 24. 32. Augustin. de heres. ad quod vult: Theodor. l. 1. de heres. fabul. &c. 2. in excessu peccantes Pelagiani, contendendo 1. bona opera ex solis liberi arbitrii viribus ab homine non regenito præstari posse. 2. Bona opera esse meritoria vitæ

eternæ. Confutavit autem hanc hæresin ner-  
vissimè B. Augustin. Lib. de Spiritu & Lit. c. 3. 4.  
14. 19. 23. Lib. de Grat. Novi Test. lib. de Nat. &  
Grat. & lib. 3. contra duas Epist. Pelagianorum & c.  
lib. 6. contra Julian. lib. trib. de peccatorum meritis  
& remissione.

## V. DE HÆRESIBVS RENOV- ATIS & NOVIS SCHISMATIBVS.

I. Inter hæreses Renovatæ primas tenet 1.  
Pontificiorum: cum Pelagianorum hæresi per o-  
mnia conspirans: contendendo 1. Bona opera  
esse necessaria ad salutem; non tantum ratione co-  
sistentia, sed etiam efficiennæ. 2. Bona opera esse me-  
ritoria vite eternæ, de condigno. 3. Legi omnia  
Mandata esse impleta possibili. 4. Bona opera ju-  
stificare hominem justificatione secundâ. Vide Bel-  
larm: l. 4. de justif. c. 2. 7. 11. Lib. 5. c. 1. 16. 17. 18.  
Becan. in Manual. lib. 1. c. 18. de Meritis operum  
Quæst. 2. pag. 459. & l. 5. Bona opera conservare  
DEI gratiam in auro Concil. Trid. Sess. 6. Can.  
23. 6. Bonorum operum formam esse Traditiones.  
7. Bona opera ex bonâ intentione esse judicanda.

II. Aninomorum: Bonorum operum ne-  
cessitatem exagitantium tempore B. Lutheri,  
referente Dn. Chemnic. part. 3. l. c. f. 14.

I. I. Anabaptistarum: 1. Lib. primorum opera  
bona ea omnia, esse statuentium cum Simone  
Ma-



Mago; Sive illa extra; sive contra Dei verbum  
à renatis fierent.

2. Illorum qui opinantur hodieque, bona  
opera esse necessaria ad salutem 1. om. 2. Luth.  
Witeb. ubi refutatio reperitur adornata à Me-  
nio & Urbano Rhegio.

I V. Majoristarum; quæ in libello nostro  
recensetur in Antithesi secundâ. Docuit autem  
Georgius Major, tùm in Islebâ, tùm in Academiâ  
Witeberg circa Ann. 1552. ac sequentes propo-  
sitiones acerrimè propugnabat: 1. Bona opera  
esse necessaria ad salutem. 2. Impossibile esse sine bo-  
nis operibus salvari. 3. Neminem unquam sine bonis  
operibus salvatum esse. Quem quidem errorem  
Major hausit ex interreligionis libro Interim co-  
gnomine; quippe in quo disertè scriptum le-  
gerat: Opera bona ad actum Iustificationis, nec non  
salutem nostri coram DEO esse necessaria. Eum ve-  
rò confutarunt Theologi Saxonici L. b. consut c. 8.  
edit. Ienens. Ann. 1559. Lunæburgens. A. 1561. Mans-  
feldens. A. 1565. Gerani artic. 2. Symbol. A. 1567.  
Collocutores A'tenburchens. In Specie verò D. Es-  
pinus, Placius, Wigandus, Rosinus, Kirchnerus; Ni-  
col. Gallus, & c.

V. Eorum, qui propositionem de necessitate bo-  
norû operum impugnabant; uti videre est ex  
Antithesi primâ in libello nostro: Auctor hujus  
rei perhibetur fuisse Andreas Iausculus, cui Dn.  
Chemnic. integrum tractatum opposuit part. 3.  
l. c. f. 29. sub titulo: De controversiâ; utrum peccata,

in Ecclesiâ retinenda sit propositio uſitata: Quod bona opera renatorum ſint neceſſaria? Sed in hoc errore Dn. Musculus non diu perſeueravit; ac proinde inter orthodoxos, poſtea temporis ad adoraandum Formule Concordiæ opus aſcitus fuit.

VI. Eorum, qui bona opera ad ſalutem pernicioſa, pronunciare non dubitabant: uti videre eſt ex *Antitheſi* tertiâ libelli noſtri. Quæ ſententia tribuitur Nicolao Amsdorffio: in quam, nimio Majoriſtis contradicendi zelo prolapſus fuerat. Refutatur autem in *Form. Concord. art. 4. Antitheſ. membr. 2. & explicatur uberiùs ſub finem.*

VII. Calvinianorum, docentium 1. Bona opera eſſe neceſſaria ad conſervandam fidem. *Alſted. Theol. Didact. p. 736. cum Piſcatore.* 2. eſſe neceſſaria ad ſalutem. 3. ſanctificationem eſſe neceſſarium ſalutis medium: *Keckerm. Syſt. Theol. p. 470. cum Piſcatore ſuper Eph. 1. v. 4. Rom. 6. Beza lib. Quæſt. & Reſponſ. &c. Plures errores vide apud Dn. Menzer. Exeg. A. C. art. 6. membr. 5.*

VIII. Photinianorum, contendentium. 1. Bona opera eſſe Partem fidei eſſentialem. 2. Bona opera eſſe meritoria ſalutis æternæ. *Catech. Racov. p. 235. 246. 247. Vide confutat. apud Dn. Menzer. in Exeg. A. C. art. 4. membr. 7. pag. 210. artic. 6. membr. 6. p. 274.*

Coro-

Coronidis loco, subijcimus Dn.  
*Chemnicii* sententiam de propositio-  
ne illâ: *quod bona opera sunt necessa-*  
*ria ad salutem.* Loc. Comm. part. 3.  
Quæst. VII. f. 75. seq.

Doctrina de bonis operibus diligentèr qui-  
dem in Ecclesiâ Dei tradenda est, sed ita,  
ut puritas articuli Justificationis salva & inte-  
gra retineatur. In illo enim articulo, sicut  
Lutherus inquit in 3. cap. ad Galat. compre-  
henduntur omnes alii fidei nostræ articuli, co-  
que salvo, salvi sunt & reliqui: amisso verò  
illo, amissa est simul tota doctrina Christiana.  
Et in 2. cap. ad Galat. sæpe dicit, nullum esse reme-  
dium resistendi Sectis, præter istum unum articulum  
justitiæ Christianæ. Hoc amisso, impossibile est nos  
posse resistere aliis erroribus aut Sectis. Et in 2. cap.  
ad Galat. inquit: Concedimus, docendum quoque  
esse de bonis operibus & charitate, sed suo tempore  
& loco, quando scilicet questio est de operibus ex-  
tra hunc capitalem articulum justificationis. Hic  
autem status causæ est; Quare justificemur & vitam  
eternam consequamur? Hic respondemus cum Paulo,  
Sola fide in Christum nos prononciari justos, non ope-  
ribus legis aut charitate. Non quod opera aut chari-  
tatem rejiciamus, ut adversarij nos accusant, sed ex  
statu causæ volumus divelli, id quod Sathan querit.  
Itaque cum jam persequer in loco communi de iustifi-  
catione



catione, reiiicimus & damnamus opera. Is enim locus nequaquam patitur, seu admittit disputationem de bonis operibus. Transcendimus ergo in hoc proposito simpliciter omnes leges & omnia opera legis. Hæc Lutherus.

In hac disputatione, de necessitate novæ obedientiæ, sive bonorum operum, omnino necessaria est declaratio. An ad salutem doceantur necessaria, ne cum detrimento articuli Justificationis urgeatur doctrina de bonis operibus; Maxime, quia in nostris Ecclesiis controversia de necessitate bonorum operum ad salutem moveri cœpit, alienissimo persecutionis tempore, cum Pontificii *σφυγγώδεα* formula interreligionis, & vi & dolo puritati doctrinæ nostrarum Ecclesiarum iniuriarentur.

Nec verò libidine dissentiendi, aut studio contradicendi, propter otiosas argutias, vel inanes *λογωμαχίας* de his propositionibus disputatur, sed hoc agitur, ut articulo Justificationis sua constet & relinquatur puritas: utque bona opera renatorum, intra illos limites & terminos, qui ipsis in Scriptura circumdati sunt, maneant, ne articulo Justificationis misceantur.

Fundamenta autem, ex quibus propositiones illæ judicantur, non servare formam vel sanæ doctrinæ, vel sanorum verborum, planissima sunt, si consideretur verum disci-

men Legis & Euangelii. Euangelium enim concionatur de iustitia, salute & vita æterna. Et de Lege Moses expressè dicit, *Deut. 30. v. 19.* Proposui vitam & mortem, benedictionem & maledictionem, *Rom. 7. v. 10.* Mandatum quod ad vitam. Et hæc non de hujus tantum vitæ commoditatibus intelligenda sunt: Nam *Luc. 10. v. 28.* Scribæ interroganti: Quid faciendo, vitam æternam possidebo? Christus respondet: Hoc fac, quod in lege scriptum est, & vives.

Quod igitur est discrimen inter doctrinam Legis & Euangelii? Respondeo: Variæ sunt, & numerantur differentiæ; sed nos jam de proposita tantum questione disputamus, in qua hæc differentia est inter Legem & Euangelium immediatè contraria. Lex proponit quidem iustitiam, salutem & vitam æternam, sed sub hac conditione: Qui fecerit hæc, vivet in eis, *Rom. 10. v. 5.* Si vis vitam ingredi, serva mandata, *Matth. 19. v. 17.* Hoc fac, & vives, *Luc. 10. v. 28.* Factores legis justificabuntur coram DEO, *Rom. 2. v. 13.* Est igitur ipsissima doctrina legis, bona opera ad salutem ita esse necessaria, ut sine illis impossibile sit quenkum salvari.

Quia verò legi hoc impossibile est, eo quod infirmatur per carnem, *Rom. 8. v. 3.* & ita fit ministerium peccati, mortis & condemnationis. Euangelium igitur proponit nobis iustitiam, salutem & vitam æternam, sine nostris operibus, gratis, propter obedientiam Filii

DEI

**DEI** Mediatoris; sola fide accipiendam, [Ro-  
man. 4. v. 5. Gal. 3. v. 22. Et hoc discrimen Le-  
gis & Evangelii Paulus ita immediatè contra-  
rium constituit, ut Roman. 11. ubi expressè de  
salute loquitur ( dicit enim, reliquæ secun-  
dum electionem gratiæ Dei, salvæ factæ sunt )  
expressè affirmet, quod duo hæc, Gratia & O-  
pera, in articulo seu officio Justificationis &  
salutis se non compatiantur ( ut vulgi vocabu-  
lo utar ) sed quod uno posito, alterum exclu-  
datur. Inquit enim vers. 6. Si ex gratia, jam  
non ex operibus : alioquin gratia non est gra-  
tia. Si verò ex operibus, non amplius est gra-  
tia : alioquin opus non esset opus. Manifesta  
igitur est confusio & depravatio discriminis  
inter legem & Evangelium, expressè pugnans  
cum doctrina Pauli, docere quod ad salutem,  
bona opera sint necessaria. Hoc fundamen-  
tum certum firmum & manifestum est.

Sed excipiunt Patroni harum propositionu-  
rum : Se non loqui de solis bonis operibus,  
nec de hominibus justificandis ; sed de illis,  
qui fide jam justificati sunt. Propositiones  
igitur juxta hanc interpretationem ita sta-  
bunt; Qui sola fide, gratis, propter Filium  
DEI Mediatorem justificati sunt, illis ad salu-  
tem bona opera ita sunt necessaria, ut impos-  
sibile sit quenkumque, licet fide justificatus sit,  
sine operibus salvari. Et si juxta hanc inter-  
pretationem instituaturs ἀνάλογος harum pro-  
positio-



positionum, dijudicatio adhuc planior erit.  
Iustitia enim fidei hac interpretatione à salute & vita æterna ita discernitur, ut iustificemur quidem sine operibus, sola fide, gratis, propter Christum. Salvemur autem fide quidem propter Christum; sed tamen non sine operibus nostris. Non ergo una & eadem res erit, qua iustificamur & qua salvamur. Et paritellæ exclusivæ (sine operibus, non ex operibus, &c.) juxta hanc interpretationem, pertinebunt quidem ad justificationem, non autem ad quæstionem de salute & vita æterna. De iustificatis enim propositiones dicunt: quod impossibile sit, quenquam sine bonis operibus salvari, cum concedant, nos sine operibus Fide iustificari.

Quando hæc modo status disputationis constituitur, sicut alius esse non potest, tunc dijudicatio plana est. *Vicelius* enim, & alii quidam, qui inter Pontificios modestius sentire videri volunt, planè ita docent; Peccatorem & impium, qui omnibus bonis operibus destituitur, iustificari quidem sine operibus, solâ fide, gratis propter Christum. Sed aliam esse quæstionem de salute & vita æterna, Iustificatos enim salvari non sine operibus, sola fide; sed iustificatis, ad salutem, præter fidem, necessaria esse etiam bona opera.

Examinentur hæc ad analogiam Fidei, & res plana erit. Si enim constituatur, nos


ne operibus justificari quidem; non autem  
sine operibus salvari, alterutrum sequi necesse  
erit: vel quod Christus sua obedientia iusti-  
tiam quidem coram Deo, non autem salu-  
tem nobis promeruerit, vel quod promissio  
iustitiæ accipiatur quidem sine operibus Fi-  
dei; promissio autem salutis & vitæ æternæ,  
non accipiatur sine operibus, sed fide & o-  
peribus simul, ut particulæ exclusivæ, non  
ad salutem, sed tantum ad justificationem  
pertinere dicendæ sint. Sed utrunque hoc  
falsum est ex Gal. 3. v. 11. Ephes. 2. v. 8.

2. Tim. 1. v. 9. Tit. 3. v. 5. Rom.


4. v. 6. c. 11. v. 6.


Gloria in excelsis Deo.












Biblioteka Jagiellońska





Biblioteka Jagiellońska



stdr0012641

